


毘婆沙論



三百六十四
分三

50364

3



阿毗曇毗婆沙論卷第三

比涼沙門浮陀跋摩共道泰譯

雜捷度世第一法品之三

問曰以何等故見道自地他地修非世第一
法耶答曰或有說者見道展轉為因非世第一
一法復有說者見道聖人身中修以聖人身
中修故自地他地修世第一法凡夫身中修
以凡夫身中修故惟自地修非他地修復有
說者見道有三事故修一從因生二能作對
治三能辦事從因生者六地中展轉更相為
因對治者若對治斷一地欲餘地亦名對治
斷辦事者如一地專辦餘地亦辦世第一法

不從因生者不展轉爲因故非對治者不斷
結故不辦事者非如聖道能辦事故修道亦
以此三事故自地他地修彼亦展轉爲因如法
智斷欲界結比智亦修彼比智非欲界對治
道法智現前時亦名修亦名對治辦事者如
第四禪地苦智修初禪地亦修如初禪地道
辦事第四禪地道亦辦如第四禪地道辦事
初禪地亦辦復有說者無漏法所作異有漏
法所作異所以者何世第一法爲愛所繫無
漏法者不爲愛所繫復有說者世第一法有
垢有過患雜毒滓濁是以不依他地自地修見
道無垢無過不雜毒不滓濁是以自地他地

修復有說者世第一法在界為界所繫在地
為地所繫無漏法在界在地不為界地所繫
復有說者世第一法在身有繫無漏法在身
不繫復有說者世第一法必生報無漏法不
生報問曰同是有漏以何等故見道邊等智
自地他地修非世第一法耶答曰或有說者
見道邊等智不用功而得以見道力故修如
見道力能自地他地修彼見道邊等智亦修
世第一法大功力得是以惟自地修非他地
修復有說者見道邊等智是見道眷屬常不
相離如見道自地他地修彼亦如是世第一
法非見道眷屬相離是以惟自地修非他地

修復有說者見道邊等智堅信堅法身中可得若起上地法現在前下地便修世第一法凡夫身中可得一切凡夫不能修於他地問曰以何等故上地見道現在前時下地修下地見道現在前時上地不修耶荅曰或有說者上地法勝若現在前時下地則修下地法劣現在前時不修上地猶如勝人不造詣劣人劣人則應造詣勝人彼亦如是復有說者若依上地得正決定下地諸法先已得故是以故修若依下地得正決定上地諸法或得不得是以不修復有說者上地諸法從下地因生下地諸法不從上地因生是以不修復

有說者下地法不能對治上地。上地法不能對治下地。以不對治。故是以不修復。有說者若依上地得正決定。今時離下地欲。故是以故修。若依下地得正決定。上地或離欲。或不離欲。設使離欲於上地。法不得自在。設得自在。應即上地得正決定。而不能得。是以知不自在。復有說者。下地法攝屬上地。是以故修。上地法不攝屬下地。是以不修復。有說者。猶如六種守護法。故三十三天爲備阿脩羅。故安六種守護。一依水住龍。二杵手神。三持華鬘神。四常放逸神。五四天王。六三十三天。若依水住龍能壞阿脩羅者。餘五無事。而水住龍

若不能杵手神助餘四無事而住若二不勝
持華鬘神助餘三無事而住若三不勝放逸
神助餘二無事而住若四不勝四天王助餘
一無事而住若五不勝三十三天助帝釋無
事而住彼若不勝尔時帝釋躬身自出執金
剛杵雨金剛雹時阿脩羅衆即時退散如是
見道斷結對治在六地中若依未至得正決
定即彼地見道斷見道所斷結其餘五地無
事而住若依初禪得正決定上地則無事而
住未至禪得修亦隨順初禪若依中間二禪
三禪亦如是若依四禪得正決定彼四禪中
見道斷見道所斷結下地得修亦隨順第四

禪復有說者。猶如山陂有六重池。次第而下。其在上池。次流於下。下池不能逆流於上。如是土地無漏。流注下地。是以故。修下地無漏。不能流注上地。是以不修。問曰。世第一法。頗有覺非有觀耶。有觀非有覺耶。亦有覺有觀耶。非有覺非有觀耶。答曰。有。云何有覺非有觀耶。答曰。如未至禪初禪。覺相應。觀是也。所以者何。觀不相應。故云何有觀非有覺。答曰。覺謂中間禪。觀相應法。云何有覺有觀。答曰。如未至禪初禪。除其覺觀。餘相應法。所謂十大地十善大地及心。云何非有覺非有觀。答曰。謂中間禪。觀諸餘覺觀。不相應法。如二禪。

三禪四禪相應法及色心不相應行問曰頗
世第一法非有覺有觀非無覺有觀非無覺
無觀耶答曰有未至禪初禪地觀彼非有
覺有觀所以者何如說云何覺觀相應法答
曰若法與覺觀相應彼觀惟與覺相應不與
觀相應云何非無覺有觀答曰觀所以者何
如說云何無覺有觀相應法答曰若法不與
覺相應與觀相應法彼觀惟與覺相應不與
觀相應云何非無覺無觀答曰觀所以者何
如說云何無覺無觀相應法答曰若法不與
覺觀相應與觀相應彼觀雖不與觀相應與覺
相應問曰頗世第一法非與有覺有觀相應

非不是觀耶答曰有禪中間觀彼不與覺觀
相應非不是觀問曰頗世第一法在有覺有
觀地非覺惟觀耶答曰有在未至及初禪地
覺惟與觀相應非覺問曰頗世第一法在無
覺有觀地非覺非觀相應耶答曰有禪中間
觀問曰頗世第一法在有覺有觀地亦有覺
有觀無覺有觀無覺無觀耶答曰有云何有
覺有觀如未至禪及初禪地覺觀相應法應
何無覺有觀即彼覺是也云何無覺無觀即
彼色心不相應行是也問曰頗世第一法在
無覺有觀地無覺有觀無覺無觀耶答曰有
云何無覺有觀如禪中間無覺有觀相應法

是云何無覺無觀耶彼觀色心不相應行是
世第一法當言樂根相應乃至廣說問曰無
故作此論荅曰先已說世第一法體性所以
界地未說相應今欲說故復有說者先已說
世第一法在三地未說在六地今欲以坦明
六地義分明了了如觀掌中阿摩勒果六何
世第一法樂根相應荅曰若依第三禪得世
第一法何者樂根相應何者非樂根相應荅
曰除樂根諸餘樂根相應法何者不相应荅
曰樂根色心不相应行云何喜根相應荅曰
若依初禪二禪得世第一法此中誰與相應
誰不與相應誰與相應除喜根諸餘喜根相

應法誰不與相應喜根色心不相應行云何
捨根相應答曰若依未至禪第四禪得世第
一法是也問曰何以不說禪中間耶答曰應
作是說若依未至中間禪第四禪得世第一
法而不介者有何義答曰中間禪通名未至
是中誰與相應誰不與相應誰與相應除捨
根諸餘捨根相應法誰不與相應捨根色心
不相應行頗有世第一法不與喜根樂根捨
根相應耶答曰有色心不相應行頗有相應
法而不與世第一法相應耶答曰有即三根
體是也世第一法當言一心為多心乃至廣
說問曰何以作此論答曰先已說世第一法

體性已說所以已說界已說地已說根相應
未說現在前今欲說故或有說者言世第一
法是相續現前為止彼人如是意欲顯世第
一法現在前一刹那故或有說者先說諸心
心數法次第得正決定或謂有心心數法多
彼刹那亦多為決定此義故而作此論復有
說者相續有三種一時相續二生相續三相
似相續或謂無二相續惟有相似相續如弥
沙塞部所說為止彼人意故而作此論世第
一法當言一心為眾多心答曰當言一心不
當言眾多心問曰如世第一法現在前未來
心心數法修亦名世第一法此中何以不說

荅曰彼亦應說而不說者當知此義是有餘
之說如有餘義簡略義亦如是復有說者彼
未來者屬現在若說現世當知亦說未來復
有說者若能與次第緣是中說之如是義應
如先以次第說問曰以何等故世第一法當
言一心應說所以不但以言故此義便立荅
曰此心心法次第更不起世間有漏心惟生
無漏苦法忍相應心若當起者無有是處爲
分別故設使起者若小若相似若勝若當小
者不能得正決定所以者何不以衰退未成
道得正決定應以勝進勢力道得正決定若
相似者亦不能得正決定所以者何先不以

此道得正決定如初刹那後刹那亦亦如初刹那留難停住不得正決定後衆多刹那亦留難停住不得正決定如初刹那不能取聖道後衆多刹那亦不能取聖道問曰若然者修道中若以下心亦不能取聖道答曰見道異本曾得道異若當勝者亦不能得正決定所以者何前者則非世第一法問曰若非者爲是何法答曰是增上忍復是世第一法問曰以何等故修道中若相似若小能與無漏作次第見道惟勝答曰修道是本曾得道不多用功力而現在前是以若相似若小能作次第見道是未曾得道多用功力乃現在前

是以必用勝者世第一法於世第一法因威
勢因者共生因相應因相似因三因者是摠
說義若別說者過去於過去二因相應共生
過去於未來一相似因未來於未來二因相
應共生現在於現在二因相應共生現在於
未來一相似因不障礙生得法是威勢緣世
第一法當言退當言不退乃至廣說問曰何
故作此論答曰前已說世第一法體性所以
界地根一心未說不退今欲說故而作此論
或有說出世第一法是退者爲止彼人意故又
欲去他義顯自義與法相應故問曰世第
一法當言退當言不退耶答曰不退問曰云

何不退應說其所以不可但以言故此義便
立荅曰世第一法隨順諦轉近諦垂入諦云
何隨順諦隨順見道故云何轉近諦轉近見
道故云何垂入諦垂入見道故復有說者隨
順道諦轉近道諦垂入道諦復有說者隨順
苦法忍轉近苦法忍垂入苦法忍世第一法
於苦法忍有二種轉近一隨順轉近二垂入
轉近彼中間不起不相似有漏心使苦法忍
不現在前問曰世第一法是有漏心向言不
起不相似有漏心苦法忍是不相似心何以
言有漏是不相似心無漏是相似心耶荅曰
世第一法惡賤有漏心以惡賤故言不相似

無漏言相似猶如有人爲自親里之所苦惱
親近他人作親里想於自所親作他人想彼
亦如是復有說者出第一法苦法忍同辦一
事故所謂捨凡夫事得住聖法猶如士夫渡
河度谷度山度坑乃至廣說度河者從此至
彼度谷者從此岸至彼岸度山者從此山至
彼山度坑者從高至下從下至高猶如有人
從高上墮未至地頃便作是念欲還本處得
如意不荅曰不得假使彼人若以神足若以
呪術若以藥草還至本處可有是事住世第
一法時無有一法能障苦法忍使不現前譬
如閻浮提有五大河一名恒伽二名夜摩那

三名薩羅由四名阿夷羅跋提五名摩醯流
趣大海乃至廣說問曰前喻後喻有何差別
荅曰無有差別所以者何欲因二喻以明一
義令分明故復有說者前者以內法具為喻
後者以外法具為喻復有說者前喻為止內
留難法後喻為止外留難法復有說者前喻
為止不如法事後喻為顯如法事彼五河亦
趣大海無能制者無能遮者無能住者無能
移者彼五大河流趣大海頗有人能遮住者
不荅曰無也若以神足呪術藥草連彼大河
停住不流未足為難無有一法能障世第一
法使苦法忍不現在前造此經時在於東方

此五大河在於東方故以爲喻復有四大河
從阿耨達池出流趣大海一名恒伽二名辛
頭三名博叉四名私陁彼恒伽河從金象口
出遶阿耨達池一帀流趣東海彼辛頭河從
銀牛口出亦遶大池一帀流趣南海彼博叉
河從琉璃馬口出遶大池一帀流趣西海彼
私陁河從頗梨師子口出遶大池一帀流趣
北海彼恒伽河有四大河以爲眷屬一夜摩
那二薩羅由三阿夷羅跋提四名摩醯彼辛
頭河亦有四大河以爲眷屬一名毗婆奢二
名伊羅跋提三名奢多頭四名毗德多彼博
叉河有四大河以爲眷屬一名婆那二名毗

多羅尼三名多奢四名究仲婆彼私隨河亦
有四大河以爲眷屬一名薩梨二名毗摩三
名那提四名毗壽波婆此中惟說廣大有名
字者然彼四河各有五百眷屬合有二千流
趣大海頗有人能遮住者不荅曰不能無有
是處以分別故假使有人以神足呪術藥草
能令彼河停住不流未足爲難無有一法能
障世第一法使苦法忍不現在前復次世第
一法與苦法忍作次第緣此文是根本義第
一荅所以者何彼世第一法生時能與苦法
忍次第緣果若此法能與彼法次第緣果者
此法無有衆生若法若呪術藥草若佛若辟

支佛若聲聞能作障礙使第二刹那不在前者無有一法速於心者能於介時爲作障礙使不能得正決定彼言無有一法速於心者即苦法忍相應心是也作義者說曰以何等故世第一法不當言退荅曰或有說者根本牢固故彼行者修布施時悉以迴向解脫持戒不淨安般念處七處善暖頂忍亦迴向解脫是名根本牢固復有說者世第一法後次生見道無有退見道者彼亦不退復有說者世第一法後次生忍智無有退忍智者彼亦不退復有說者世第一法後乃至斷非想非非想處見道所斷結無有退非想非非想

處見道所斷結者彼亦不退復有說者世第一法
一法是勝進分善根無有退勝進分善根者
暖法有三種退分任分勝進分頂亦有三種
忍有二種任分勝進分世第一法有一種謂
勝進分問曰此皆是達分善根何以說三性
答曰名數異耳如定捷度說此善根有三種
於此善根退者名退分不退不進名任分勝
進者名勝進分彼說三種此說達分善根名
數異耳復有說者此善根是一刹那無有退
半刹那者問曰頗有二聖人同生一處於世
第一法一成就一不成就耶答曰有一依初
禪得正決定二依第二禪得正決定彼俱命

終生二禪中彼依初禪得正決定則不成就
所以者何以離地故失依二禪言彼則成就
問曰頗二阿羅漢俱在欲界中於世第一法
一成就一不成就耶荅曰有一依初禪得正
決定二依二禪得正決定彼俱命終生二禪
中陰中得阿羅漢果彼依初禪得正決定者
則不成就所以者何以離地故失問曰頗有
聖人不成就世第一法成就世第一法解脫
得耶荅曰有依初禪得正決定彼命終生二
禪中以離地故不成就世第一法彼成就世
第一法解脫得彼得以二禪所攝故若命終
生三禪以上則不成就世第一法問曰頗有

聖人不成就世第一法亦不成就解脫得耶
答曰有依初禪得正決定彼若命終生第三
禪以上則不成就世第一法及解脫得如經
說諸比丘我不見一法速疾迴轉過於心者
難以喻知乃至廣說問曰言速疾迴轉者爲
於世耶爲於緣耶若於世者一切有爲法亦
隨世速疾迴轉不但心也若於緣者諸心心
數法受緣亦速疾迴轉不但心也答曰此中
亦說世速疾迴轉亦說緣速疾迴轉謂一身
中非謂一刹那也若一刹那言速疾迴轉者
則有少分速疾迴轉少分不速疾迴轉亦無
於緣速疾迴轉所以者何如說若法能緣彼

法或時不緣無有是事是以說世之與緣速疾迴轉謂一身中非謂一刹那彼一身中或生善心或時染污或時不隱沒無記或依眼生乃至依意生若緣色生乃至緣法生問曰若於世於緣名速疾迴轉者心心數法亦於世於緣速疾迴轉何以獨言心耶答曰或有說者此是世尊有餘之說亦是世尊爲化衆生簡略之說復有說者於心法中誰爲最勝所謂心也是以說心猶如王來餘人亦來以王勝故但言王來復有說者以因心故名爲心數是故說心以心大故數法亦名大地是故說心復有說者若修證心通法時彼無礙

道惟緣於心是故說心復有說者心是遠行法如說
獨行遠逝 不在此身 若能調伏 是世梵志
復有說者心為尊導如說

心為前導心尊心使 中心念善 亦言亦行

安樂自追 如影隨形

或有說者心猶如王如說

第六增上王 此染彼亦染

無染而生染

染者名愚小

復有說者心名城主如說比丘當知言城主
者即有漏識復有說者心是內法徧一切處
能有所緣內者內入所攝徧者從阿毗地獄
上至有頂能有所緣者緣一切法復有說者

能起善不善尸羅如說善不善尸羅皆因心起復有說者心起惡法生惡道中心起善法生人天中如世尊言諸比丘都提夜子叔迦摩納婆以向如來生惡心故身壞命終如擲真珠頃當墮惡道比丘都提夜子叔迦摩納婆以向如來起善心故如擲真珠頃身壞命終當生善道復有說者此心為主多所統攝如說此五情根各行境界心悉能行種種境界復有說者如心行於緣數法皆隨猶如雄魚其所往處雌魚皆隨復有說者心是數法所依之處復有說者心所依受身之處無不有心數法不尔有增有減復有說者若心不

調伏不守護不淨修數法亦尔若心調伏守
護淨修數法亦尔復有說者若心不伏數法
不伏以不伏故流行色聲香味觸法若心折
伏數法亦伏以折伏故不行色聲香味觸法
如瀘水甬上開則漏上閉則止彼亦如是復
有說者世尊先說心速疾迴轉當知餘有餘
法亦速疾迴轉如經說我不見一法速疾迴
轉過於心者難以喻知問曰如餘經說以獲
猴爲喻今何故言難以喻知荅曰或有說者
此經難以喻知不言不以喻知所以者何非
凡人能作不易作不過時作非無慧作非凡
人作者惟佛能作不易作者用功能作不過

時作者佛日出世亦時能作非無慧作者非
鹿心亂意之所能作又非凡作者能知善心
起住滅相亦知出入及知方便如佛緣覺及
諸弟子善於揔相別相復有說者言難以喻
知者喻若同若相似同者如說心速疾迴轉
其猶如受此是心法經先已說若非心法喻
不相似復次難以喻知者不以少功而能得
知復次難以喻知者如心速疾能有所緣彼
喻亦亦而無有法與心等者猶如猿猴從一
枝至一枝頃心想迴轉有百千刹那尊者波
奢說曰世尊爲化衆生還以心喻心彼猿猴
輕躁動皆心所爲問曰彼心可以一法爲

定喻不答曰或有說者有誰能作惟佛能作
但無能知者如佛化作一刹那以喻心而無
知者是故比丘應善知心應善知心迴轉乃
至廣說問曰善知心善知心迴轉有何差別
答曰或有說者無有差別言善知心即是善
知心迴轉復有說者有差別若觀心揔相是
名善知心觀心別相是名善知心迴轉復有
說者若觀心是名善知心若觀數法是名善
知心迴轉復有說者若觀心念處是名善知
心若觀法念處是名善知心迴轉復有說者
若觀識陰是名善知心若觀餘陰是名善知
心迴轉復有說者若觀意入是名善知心若

觀餘入是名善知心迴轉復有說者若觀七
識界是名善知心若觀餘界是名善知心迴
轉復有說者若觀心自相是名善知心若觀
心所緣行處是名善知心迴轉復有說者若
觀識是名善知心若觀識住處是名善知心
迴轉尊者波奢說曰若知有欲心是名善知
心若知轉離欲心是名善知心迴轉如有欲
心轉離欲心有瞋心轉離瞋心有癡心轉離
癡心散亂心攝心懈怠心精進心有掉心無
掉心少心多心有染心無染心定心不定心
修心不修心解脫心不解脫心繫心不繫心
當知亦如是尊者佛隨提婆說曰世尊言善

知心迴轉者即是善知心異名說耳。如定捷
度說我弟子中善知心迴轉摩訶般特迦是
也。此即說心念處名善知心迴轉。問曰：頗住
一刹那頃當得世第一法不當得所依緣耶？
當得所依緣不當得世第一法耶？亦當得世
第一法及所依緣耶？亦不當得世第一法及
所依緣耶？答曰：有應作四句。若依未來禪當
得正決定住增上忍一刹那頃當得世第一
法不當得所依緣者，除未至禪所攝世第一
法現在前及所依緣謂諸餘未來世第一法
也。當得所依緣不當得世第一法者，謂初禪
二禪三禪四禪所攝世第一法所依緣也。當

得世第一法及所依緣者謂未來禪所攝世
第一法現在前及所依緣也亦不當得世第
一法及所依緣者謂初禪二禪三禪四禪所
攝世第一法諸餘所依緣問曰頗住一刹那
頃當得世第一法緣有緣法耶當得緣無緣
法耶當得緣有緣無緣法耶不當得緣有緣
無緣法耶答曰有住增上忍應作四句初句
者謂世第一法能緣心心數法也第二句者
謂世第一法能緣色心不相應行也第三句
者謂世第一法能緣心心數法色心不相應
行也第四句者除上介所事
彼作經者說世第一法凡作七論五是根本

三因論生論五根本者從本何世第一
至根相應二因論生論者謂當言一心當言
不退造毗婆沙者因此造論廣現多文

阿毗曇毗婆沙論卷第三

分

滓濁

上側史反杵

尺呂反鬪

莫班反

躬

躬字電

蒲角反

波

音碑

摩醯

下呼方反

瀘

音慮

箒

音童

猿

上字

猴

音侯

躁

目反

掉

徒弔反

